

իրավունք ունեին ազատորեն իրենց կրոնը դափանելու: Այդպիսի ժողովուրդներն ու համայնքները կոչվում էին «Չիզյե դոզար» — «جزیه گدار» («Չիզյա հատուցող»), կամ «Գլիմ'ի» («պարտապան») ժողովուրդներ կամ համայնքներ: 16—18-րդ դարերում հրապարակված գերագույն «Իրվան-ալ-սադարաթի» ինչպես նաև շեյխ-ուլ-խոլամների ու մուֆթիների ֆեթվաներում, որոնք մեծ մասամբ հաստատված են ժամանակի շահերի կողմից արված ֆերմաններով, բազմիցս շեշտված է, որ «կանոնավոր կերպով Չիզյա հատուցող հայերին ոչ ոք իրավունք չունի ստիպելու, որ քրիստոնեական հավատքը թողնեն և մահմեդականություն ընդունեն»¹:

Հայ առյաթներից գանձվող գլխահարկը և տարիների ընթացքում նրա վրա բարդվող վերադիր գումարներն ու տոկոսները («Թաֆալութ» և «ֆար'» — تفاوت و فرع) բավական խոշոր գումար էին կազմում և նշանակալից տեղ էին գրավում պետության ֆինանսների մեջ: Շատ հաճախ որոշ գյուղերից ստացվող գլխահարկը կազմում էր նույն գյուղից գանձվող հարկերի ընդհանուր գումարի կեսից ավելին:

Առաջին իսկ հայացքից թվում է, թե գլխահարկի ծանրությունը ինքնին պիտի պատճառ դառնար մեծ թվով, հատկապես չքավոր հայերի, հավատափոխության, սահայն պետք է ասել, որ հայ աշխատավոր ժողովուրդը նյութական խոշոր զոհողությունների գնով, ամենուրեք, համատարեն գիմաղբում էր և հաստատակամորեն մերժում բազմիցս կատարվող հավատափոխության առաջարկները: Հայտնի է, որ 17-րդ դարում կոտորածի սպառնալիքի տակ մասսայական հավատափոխության դեպքեր տեղի ունեցան Իրանի խորքերը քշված հայ գաղթականության խիստ մեկուտացած մի քանի բեկորների հետ հատկապես Փարսի և Մաղանդարանի նահանգներում, իսկ հայ ժողովրդի հիմնական մասան, ինչպես մայր հայրենիքում, այնպես նաև Սպահանում և Նոր Զուղայում, վճարելով Չիզյան՝ վճռականորեն պայքարում էր ասիմիլյացիայի փորձերի դեմ:

Պարզ է ուրեմն, որ այս դեպքում, երբ համաձայն գոյություն ունեցող շարիաթական օրենքների, հայերը ծանր հարկատվության գնով շարունակում էին պահպանել իրենց հավատքը, հայ աշխատավորության բուն ասիմիլյացիայի գործը հաջողություն բեր կարող պահպիլել: Մի կողմ թողած գեռ այն փաստը, որ հայ ազգաբնակչության ասիմիլյացիան օբյեկտիվորեն չէր բխում պետության շահերից, որովհետև այդպիսով պետությունը զրկվում էր բավական շոշափելի եկամուտի աղբյուրից: Սակայն շնորհիվ այն բանի, որ պետության օրենսդրական ֆունկցիաները դաժնվում էին այդ հարցում անմիջապես շահագրգռված մուսուլման բարձրաստիճան հոգևորականության ձեռքում, վերջիններիս հաջողվում էր իրենց կողմից հրապարակվող ֆեթվաներով անցկացնել մի շարք օրենսդրական միջոցառումներ և հայ ազգաբնակչության որոշ խավի մեջ զգալի հունձ կատարել, կանգնեցնելով նրանց հավատափոխության ուղու վրա:

Շիաների մոտ վաղուց գոյություն ունեղ, այսպես կոչված Իմամ-Ջանֆարի օրենքը, ըստ որի զիմ'ի առյաթների մուսուլման դարձած ազգականները իրավունք ունեին իրենց քրիստոնյա ազգականների ունեց-

¹ Մատենադարանի պարսկերեն վավերագրեր (ՄՊՎ.) Թղթապանակ 1ը, վավ. №№ 132ա, 132բ, 132գ, 145 և այլն: